

# 2017 台灣文學獎 〈文學說唱〉唸歌

文 | 楊秀卿 國寶藝人 圖 | 國立臺灣文學館

國寶唸歌大師楊秀卿老師〈文學說唱〉演出，為2017台灣文學獎贈獎典禮憑添佳語，謹錄大師默記的創作以饗讀者，註解為編輯所加。

感謝臺灣文學館，為着文學來宣傳，  
這回獎金真圓滿，數字亦是算真懸<sup>1</sup>，  
今年做法無相全，分作兩大類六大項，  
參賽作品 150 件，評審委員真濟人，  
寫作的人真稀罕，若欲得獎無簡單，  
獎金兩百四十萬，若有用心欲得獎無為難，  
大家創作為臺灣，心思敏捷智識懸<sup>2</sup>，  
希望大家攏入選，作品永遠倘流傳，  
政府現在足親民，叫阮母語寫予真，  
有客家、原住民、臺語攏寫佇內面，  
叫咱毋通忘祖的原因，  
短篇臺語小說講是〈命〉，  
客語小說就是〈頭家娘〉，  
原住民就是阿美族，  
得獎就是在〈一個剪檳榔場的暴風雨之夜〉。  
以上就是短篇小說第一名，  
若是有機會，拜託，拜託，  
小說的內容，唸予阿婆仔我來聽，

小說作家是連明偉，將現代古早祛<sup>3</sup>做堆，  
陽間講人陰間鬼，恁若無看真克虧，  
遮篇唔信恁看莫，作者用心在安排，



國寶唸歌大師楊秀卿〈文學說唱〉演出

四十萬字實在無簡單，  
若無看著真無彩，若有看過恁著知，

劇本創作是真奇妙，得名的作品是《咬人貓》，  
用戲劇做人性來發表，故事精彩無膠滯<sup>4</sup>，  
這個可比天才女，伊的名叫做曾廷詒，  
內容豐富難得比，真正有影毋是虛，  
咱遮的朋友會得獎無意外，毋是阮在共伊自誇，  
文學奉獻非小可，表示臺灣文化的精華。  
感謝文學界的人士，文章寫了真功夫，  
再次感謝咱政府，遮是實在無虛詞。☞

1. 音 kôan，高。

2. 同註 1。

3. 音 khioh，撿起來之意。

4. 音 hau-siâu，類似今言「唬爛」。